



**Pekeliling Ketua Pengarah Tanah Dan Galian Persekutuan
Bilangan 5/1976**

**Denda Bayaran Setem Di Bawah Seksyen 47a Akta Setem 1949
(Disemak 2007)**



**JABATAN KETUA PENGARAH TANAH DAN GALIAN PERSEKUTUAN
KEMENTERIAN SUMBER ASLI DAN ALAM SEKITAR
PUTRAJAYA**

**Pekeliling Ketua Pengarah Tanah Dan Galian Persekutuan
Bilangan 5/1976**

Denda Bayaran Setem Di Bawah Seksyen 47A Akta Setem 1949 (Disemak 2007)

Pekeliling ini bertujuan untuk menasihatkan Pendaftar Hakmilik dan Pentadbir Tanah mengenai tanggungan membayar denda di bawah seksyen 47A Akta Setem 1949 (Akta 378).

2. Persoalan yang timbul adalah sama ada seseorang individu bertanggungjawab membayar denda di bawah subseksyen 47(1) Akta Setem 1949 bagi bayaran tambahan yang wujud selepas permohonan pentaksiran cukai setem (*application for adjudication*) di bawah subseksyen 36(1) Akta tersebut. Dalam perkara ini Peguam Negara telah menasihatkan bahawa seksyen 36 Akta Setem 1949 tidak mengecualikan mana-mana individu daripada tanggungan membayar denda di bawah subseksyen 47A(1) Akta Setem 1949 ataupun daripada apa jua denda-denda dan tanggungan-tanggungan yang diperuntukkan dalam undang-undang tersebut. Walau bagaimanapun, Pendaftar Hakmilik dan Pentadbir Tanah diminta merujuk kepada peruntukan subseksyen 47A(2) Akta Setem 1949 yang membolehkan Pemungut Cukai Setem mengecualikan atau mengurangkan bayaran denda.

3. Pendaftar Hakmilik dan Pentadbir Tanah adalah dinasihatkan bayaran denda di bawah seksyen 47A Akta Setem 1949 hendaklah dikenakan bagi tiap-tiap kes walaupun suratcara itu tertakluk kepada suatu permohonan pentaksiran cukai setem (*application for adjudication*) di bawah seksyen 36 Akta Setem 1949.

Ketua Pengarah Tanah dan Galian Persekutuan